

Statistikat e kulturës*

Tremujori II – 2020

Tiranë, më 3 Gusht 2020: Ky publikim përfshin të dhëna mbi numrin e shfaqjeve dhe spektatorëve në institucionet e artit dhe kulturës, të dhëna mbi numrin e vizitorëve në institucionet e trashëgimisë kulturore dhe të dhëna nga biblioteka kombëtare. Situata e krijuar nga COVID-19 ka ndikuar përveç të tjerave dhe në art e kulturë, në jetën kulturore të shoqërisë si dhe në promovimin e diversitetit kulturor. Si rrjedhojë, për shkak të kufizimeve për parandalimin e përhapjes së pandemisë, aktiviteti kulturor në institucionet e artit dhe kulturës është pezulluar dhe vizitat në sitet e trashëgimisë kulturore janë lejuar me kufizime.

Institucione të artit dhe kulturës

Gjatë tremujorit të dytë 2020, janë organizuar 45 shfaqje dhe premiera online, 31 shfaqje në Teatrin Kombëtar Popullor dhe 6 shfaqje në Teatrin Kombëtar të Operas, Baletit dhe Ansambllit Popullor. Premiera online janë organizuar 8, të gjitha në Teatrin Kombëtar të Operas, Baletit dhe Ansambllit Popullor.

Tab.1 Numri i shfaqjeve dhe premierave në institucionet kulturore

Numri i shfaqjeve/premiera	Shfaqje		Premiera		Gjithsej	
	Tr.2-2019	Tr.2-2020	Tr.2-2019	Tr.2-2020	Tr.2-2019	Tr.2-2020
Teatri Kombëtar Popullor	47	31	2	-	49	31
Teatri Kombëtar Eksperimental	141	-	2	-	143	-
Teatri Kombëtar i Operas, Baletit dhe Ansambllit Popullor	35	6	12	8	47	14
Qendra Kombëtare e Kulturës për Fëmijë	80	-	2	-	82	-
Cirku Kombëtar	51	-	0	-	51	-
Shfaqje kulturore dhe premiera gjithsej	354	37	18	8	372	45

* Shikoni Metodologjinë, fq. 4

Tab.2 Numri i spektatorëve në institucionet kulturore

Numri i spektatorëve	Tr.2-2019	Tr.2-2020*
Teatri Kombëtar Popullor	10.585	-
Teatri Kombëtar Eksperimental	19.154	-
Teatri Kombëtar i Operas, Baletit dhe Ansambllit Popullor	18.930	-
Qendra Kombëtare e Kulturës për Fëmijë	14.138	-
Cirku Kombëtar	9.163	-
Numri i spektatorëve gjithsej	71.970	-

*Për shkak të situatës së krijuar nga Covid-19, aktivitetet kulturore janë zhvilluar online

Trashëgimi kulturore

Gjatë tremujorit të dytë 2020, vizitat në institucionet e trashëgimisë kulturore u lejuan me kufizime sipas udhëzimeve përkatëse si dhe me kufizim orari në kohën e funksionimit të zonave të kuqe dhe të gjelbra.


Numri i vizitorëve në institucionet e trashëgimisë kulturore, në tremujorin e dytë 2020 është 11.081 vizitorë, 10.559 janë vizitorë vendas dhe 522 janë vizitorë të huaj. Gjatë këtij tremujori, parqet arkeologjike janë frekuentuar më shumë, 46,9 % të vizitorëve gjithsej. Ndjekur më pas nga kalatë e monumente të tjera me 30,7 % dhe muzetë me 22,4 % të vizitorëve gjithsej.

Në tremujorin e dytë 2020, vizitorët e huaj kanë preferuar më shumë muzetë, ndjekur më pas nga kalatë me 41,2 % dhe monumente të tjera me 37,5 %, ndaj totalit të vizitorëve të huaj.

Tab.3 Vizitorë në muze, kala dhe monumente të tjera, parqe arkeologjike

Institucionet e trashëgimisë kulturore	Numri i vizitorëve vendas		Numri i vizitorëve të huaj		Numri i vizitorëve gjithsej	
	Tr.2-2019	Tr.2-2020	Tr.2-2019	Tr.2-2020	Tr.2-2019	Tr.2-2020
Muze	47.066	2.268	56.470	215	103.536	2.483
Kala e Monumente të tjera	43.264	3.209	54.182	196	97.446	3.405
Parqe Arkeologjike	62.877	5.082	67.908	111	130.785	5.193
Vizitorë gjithsej	153.207	10.559	178.560	522	331.767	11.081

Fig.1 Përqindja e vizitorëve të huaj dhe vendas në muze, kala dhe monumente të tjera, parqe arkeologjike



Biblioteka kombëtare

Në tremujorin e dytë 2020, numri i shërbimeve të njësive bibliotekare është 182, ndërkohë numri i frekuentuesve në Bibliotekën Kombëtare është 91. Gjatë këtij tremujori janë afishuar 262 tituj të rinj dhe 1.220 ekzemplarë të rinj.

Tab.4 Frekuentimi dhe botimet në Bibliotekën Kombëtare

Treguesit	Tr.2-2019	Tr.2-2020
Shërbimi i njësive bibliotekare (njësi)	27.180	182
Frekuentimi	37.026	91
Veprimtari Kulturore dhe Shkencore	48	44
Numri i hyrjeve të reja:		
Numri i titujve të rinj	1.118	262
Numri i ekzemplarëve të rinj	3.699	1.220

Metodologjia

*Krahasimi i tremujorit të dytë 2020 me tremujorin e dytë të vitit të kaluar nuk është i mundur, pasi në ndryshim nga i njëjti tremujor i vitit të kaluar, aktiviteti në institucionet e artit dhe kulturës është pezulluar dhe në institucionet e trashëgimisë kulturore aktiviteti ka patur kufizime përkatëse.

Në zbatim të Urdhërit Nr.132 datë 08.03.2020 të Ministrisë së Shëndetësisë dhe Mbrojtjes Sociale "Për mbylljen e aktiviteteve publike dhe jopublike dhe anulimin e grumbullimeve masive në vende të mbyllura apo të hapura", të Urdhërit të Ministrisë së Kulturës Nr.141 datë 11.03.2020 si edhe në vijim të masave të marra nga Qeveria (Vendim Nr.243, datë 24.3.2020 "Për shpalljen e gjendjes së fatkeqësisë natyrore"), është pezulluar aktiviteti i të gjithë institucioneve kulturore qendrore si edhe të gjithë aktiviteteve kulturore të skenës së pavarur.

Në zbatim të Urdhërit Nr. 351, datë 29.05.2020, të Ministrisë së Shëndetësisë dhe Mbrojtjes Sociale, "Për marrjen e masave të veçanta dhe kufizimeve për parandalimin e përhapjes së pandemisë COVID 19", u lejuan me kufizime përkatëse vizitat në muze, parqe dhe kala, por jo rifillimi i aktivitetit për Artin. Vizitat në sitet e trashëgimisë kanë qenë me kufizim orari në kohën e funksionimit të zonave të kuqe dhe të gjelbra.

Të dhënat e statistikave të kulturës i referohen vetëm institucioneve qendrore të cilat janë në varësi nga Ministria e Kulturës. Në institucionet qendrore të artit e të kulturës përfshihen: Teatri Kombëtar, Teatri Kombëtar i Operas, Baletit dhe Ansambli Popullor, Teatri Kombëtar Eksperimental "Kujtim Spahivogli", Qendra Kombëtare Kulturore për Fëmijë dhe Cirku Kombëtar.

Në totalin e muzeve, kalave dhe parqeve arkeologjike janë përfshirë institucionet:

MUZE	KALA E MONUMENTE TË TJERË	PARK ARKEOLOGJIK
Muzeu Historik Kombëtar, Tiranë	Kalaja Berat	Parku Kombëtar, Butrint
Muzeu Arkeologjik, Durrës	Kalaja Gjirokastrë	Parku Arkeologjik, Apoloni
Muzeu i Pavarësisë, Vlorë	Kalaja e Portopalmos	Parku Arkeologjik, Bylis
Muzeu Gjergj Kastrioti, Krujë	Kalaja e Kaninës	Parku Arkeologjik, Shkodër
Muzeu Etnografik, Krujë	Kalaja e Himarës	Parku Arkeologjik, Lezhë
Muzeu Etnografik, Berat	Amfiteatri	Parku Arkeologjik, Amantia
Muzeu Ikonografik Onufri, Berat	Manastiri i 40 Shenjtorëve	Parku Arkeologjik, Orikum
Muzeu i Artit Mesjetar, Korçë		Parku Arkeologjik, Finiq
Muzeu Arkeologjik, Korçë		Parku Arkeologjik, Antigone
Muzeu Arsimit, Korçë		
Muzeu Kombëtar i Fotografisë Marubi		
Muzeu Kombëtar i përgjimeve " Shtëpia me Gjethe"		

Përkufizime

Trashëgimi kulturore është tërësia e pasurive kulturore, materiale dhe jomateriale, të një individi, grupi ose shoqërie të trashëguar nga e kaluara që ruhet në të tashmen, për t'ua përçuar brezave në të ardhmen si pjesë e pasurisë kombëtare të një vendi, të cilat shprehin vlerat, identitetin, njohuritë, traditat, besimet, si dhe pasuritë kulturore të peizazhit.

Muze është institucioni i ruajtjes së kujtesës, në shërbim të shoqërisë dhe zhvillimit të saj, i hapur për publikun, që konservon, studion, komunikon dhe prezanton trashëgiminë e luajtshme e të paluajtshme të njerëzimit dhe mjedisit rrethues të tij, me qëllim edukimin, studimin, promovimin dhe argëtimin.

Monument kulture është objekti ose ndërtimi me vlera historiko-kulturore, që mbrohet nga shteti.

Park arkeologjik është territori i përcaktuar me kufij të qartë, që përfshin dëshmi të rëndësishme arkeologjike të mbitokës, nëntokës e nënujit dhe bashkëprani të pasurive historike, peizazhit kulturor, i organizuar me elemente të një muzeu në natyrë.

Bibliotekat janë institucione kulturore dhe informuese, që realizojnë hyrje të lirë në informacion në cilëndo formë që ai të jetë depozituar. Ato grumbullojnë, ruajnë, përpunojnë dhe vënë në dispozicion të përdoruesve koleksionet e veta që përmbajnë informacion në shërbim të formimit të tyre.

Frekuentimi llogatitet me numrin e shërbimeve/materialeve bibliotekare që merr çdo frekuentues i bibliotekës kombëtare.

Materiale bibliotekare përfshijnë libra, artikuj, harta, disertacione, dhe materiale audiovizuale.

Tituj të rinj përfshijnë ato materiale bibliotekare që hyjnë në bibliotekë gjatë një periudhe referuese.

Ekzemplarë të rinj përfshijnë numrin e njësive bibliotekare për çdo titull të ri.

Burimi i të dhënave:

Të dhënat e statistikave të kulturës sigurohen nga Ministria e Kulturës, me periodicitet tremujor.